

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10), a u vezi sa članom 25. Zakona o visokom obrazovanju („Službene novine Zeničko-dobojskog kantona”, broj: 6/09, 9/13, 13/13, 4/15 i 5/18), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 48. sjednici, održanoj dana 13.03.2020. godine, d o n o s i

ZAKLJUČAK

o utvrđivanju Prijedloga Odluke o usvajanju Elaborata o pokretanju studijskog programa Mehatronika, drugog ciklusa studija, na Mašinskom fakultetu Univerziteta u Zenici

I.

Utvrđuje se Prijedlog Odluke o usvajanju Elaborata o pokretanju studijskog programa Mehatronika, drugog ciklusa studija, na Mašinskom fakultetu Univerziteta u Zenici.

II.

Prijedlog odluke iz tačke I. ovog zaključka upućuje se u dalju skupštinsku proceduru.

III.

Zaključak stupa na snagu danom donošenja.

PREMIJER
po ovlaštenju

Mirnes Bašić

Broj: 02-_____/20
Datum, 13.03.2020. godine
Z e n i c a

DOSTAVLJENO:

1x Ministarstvo za obrazovanje, nauku, kulturu i sport,
1x Univerzitet u Zenici, Rektorat, Fakultetska 3 (putem Ministarstva),
1x Stručna služba Skupštine,
1x a/a.

PRIJEDLOG

Na osnovu člana 37. stav 1. tačka f) Ustava Zeničko-dobojskog kantona, a u vezi sa članom 25. Zakona o visokom obrazovanju („Službene novine Zeničko-dobojskog kantona”, broj: 6/09, 9/13, 13/13, 4/15 i 5/18), Skupština Zeničko-dobojskog kantona, na ____ sjednici, održanoj _____ 2020. godine, donosi

ODLUKU

o usvajanju Elaborata o pokretanju studijskog programa Mehatronika, drugog ciklusa studija, na Mašinskom fakultetu Univerziteta u Zenici

Član 1.

Usvaja se Elaborat o pokretanju studijskog programa **Mehatronika**, drugog ciklusa studija, na Mašinskom fakultetu Univerziteta u Zenici.

Član 2.

Odluka stupa na snagu narednog dana od dana objavljivanja u „Službenim novinama Zeničko-dobojskog kantona“.

Broj: 02-_____/20.
Datum,
Z e n i c a

PREDSJEDAVAJUĆI

Ćazim Huskić

DOSTAVLJENO:

1x Ministarstvo za obrazovanje, nauku, kulturu i sport,
1x Univerzitet u Zenici - Rektorat, Fakultetska 3, (putem Ministarstva),
1x a/a.

Obrazloženje

Pravni osnov

Pravni osnov za uvođenje novog studijskog programa utvrđenog u Elaboratu o pokretanju studijskog programa II (drugog) ciklusa Mehatronika Mašinskog fakulteta Univerziteta u Zenici sadržan je u Odluci Upravnog odbora Univerziteta u Zenici, broj: 01-01-1-2224/19 od 03.06.2019. godine, o prihvatanju inicijative Senata Univerziteta u Zenici o usvajanju Elaborata o opravdanosti pokretanja studijskog programa, II (drugog) ciklusa Mehatronika, Odluci Senata Univerziteta u Zenici, broj: 01-02-1-1443/19 od 04. 04.2019. godine, o usvajanju Elaborat o pokretanju studijskog programa II (drugog) ciklusa Mehatronika i Odluci Naučno-nastavnog vijeća Mašinskog fakulteta Univerziteta u Zenici, broj: 03-200-013-263/ 19 od 14. 03. 2019. godine, o usvajanju Elaborata o pokretanju studijskog programa II (drugog) ciklusa Mehatronika, a u vezi s članom 64. Zakona o visokom obrazovanju ("Službene novine Zeničko-dobojskog kantona", broj: 6/09, 9/13, 13/13, 4/15 i 5/18).

Razlozi za donošenje

Razlozi za donošenje Elaborata o pokretanju studijskog programa II (drugog) ciklusa Mehatronika Mašinskog fakulteta Univerziteta u Zenici:

- Otvaranjem novog studijskog programa bi se povećala ponuda studentima Mašinskog fakulteta koji završe I ciklus u trajanju od 3 godine, te bi im se omogućilo da nastave svoje dalje školovanje na ovoj instituciji.
- Naučno-nastavni program studijskog programa Mehatronika bi se sastojao od predmeta koji pripadaju naučnim oblastima mašinstva, elektrotehnike i informatike i koji povezuju znanja iz navedenih oblasti.
- Na Univerzitetu u Zenici već sada postoji oko 90% predmeta koji su predviđeni nastavnim planom i programom, a čiji je nacrt napravljen usporedbom trenutnog stanja na Univerzitetu u Zenici sa sličnim studijskim programima kako na univerzitetima u BiH i regionu.
- Oni završenici koji se odluče po završetku II ciklusa svoje mjesto potražiti u privredi, moći će to uraditi u okolnim proizvodno-prerađivačkim preduzećima, prije svega onima koji se bave proizvodnjom dijelova u automobilske industriji ali i brojnim drugima. Ova preduzeća kako u svijetu tako i u BiH već sada pokazuju veliki interes za zaposlenicima sa kompetencijama koje se stiču ovim studijskim programom, a bez njih u skoroj budućnosti i povećanjem stepena automatizacije neće moći biti ni zamisliva.
- Sredstava low-cost automatizacije uz unapređivanje inovativnosti kod studenata čine idealnu bazu za osnivanje malih preduzeća od strane završenika.

Finansijski pokazatelji

Finansijska sredstva za realizaciju školovanja bi se u potpunosti ostvarila putem školarina. (Dato u finansijskom planu)